

群
叢
集

附
芳
杜
詞
賸

溫州府 國 公 院

然

集

寢

飲

庚

辰

歲

刻

於

蜀

温

避寇集序

王子淵曰詩人感而後思思而後積積而後
滿滿而後作夫澄鑑具則物來同冥悟超則
神發智是以非吹而極天下之動大齊以繩
函類之和詩者人心之精天德之符也仲尼
蔽之以思無邪無邪者正也志之所之無不
得其正形於比興詠嘆亦無不得其正正也
者不枉不濫不增不減辨而不認應而不滯
如其本然者也故雨露風霆無非教寒暑治
亂惟其常時乎雅頌則雅頌興時乎怨誹則

怨誹作顯造化之真同斯民之患而後君子
以觀焉此詩之義也嗚呼繇詩亾以來寥寥
千載其閒篇章未嘗無偶合者然或文勝其
質或理過其味至於鄙倍卑狹細黠淫靡之
流得其正者益寡雖李杜猶不免俗情況下
焉者乎吾友馬湛翁崛起橫流之中治六藝
之道於百世之下求志巖藪玉振南服以其
仁義熟而蓄積厚故每敷揚芳潤含吐宮商
情寄有孚辭誠相貫庶幾得詩人之正者歟
蓋無高世之度則襟懷不曠無負出之智則

溫

理緻不瑩無專精之才則詞氣不純易曰君子以言有物而行有恆君子安身於不易之處而後出言皆得其中充實於內者則光輝於外也僕於湛翁把臂服膺始於童冠忘形悅義垂老彌篤誠如盧生之於伯玉四海之內一人而已今湛翁以鄉閭淪於寇盜避地蜀中至人翔集有司致禮爰啟精舍大集儒流洙泗之業遇於旦暮固且邊頽風於交喪揭先幾於將行迺復善述之餘聊託歌詠比於古人發憤而作題曰避寇集若夫革言諸

篇草堂諸什其義之所被直當及於齊州殊俗非僅中土而已斯世如有季札聽音子野評藝知必取風於大國無憾於雕蟲此豈惟僕區區之私言云爾

民國二十九年四月謝无量謹序

温

避寇集

會稽馬浮

將避兵桐廬留別杭州諸友

丁

丑九月

禮聞處災變大者亾邑國奈何去墳墓在士
亦可式妖寇今見侵天地爲改色遂令陶唐
人坐飽虎狼食伊誰生厲階詎獨異含識竭
彼衣養資殉此機械力鏗翟竟何裨蒙羿遞
相賊生存豈無道奚乃矜戰克嗟哉一切智
不揀天下惑飛鳶蔽空下遇者亾其魄金城
爲之摧萬物就磔轢海陸尙有際不仁於此

極餘生戀松楸未敢怨偏迫承烝黎信何辜胡
爲罹鋒鏑吉凶同民患安得殊欣感衡門不
復完書史隨蕩析落落平生交遜處各巖穴
我行自茲邁回首增愴惻臨江多悲風水石
相盪激逝從大澤釣忍數犬戎阨登高望九
州幾地猶禹域儒冠甘世棄左衽傷毫及甲
兵其終偃腥羶如可滌遺詩謝故人尙想三

代直

郊居述懷兼答諸友見問

天下雖干戈吾心仍禮樂避地將焉歸藏身

溫

亦已縛求仁卽首陽齊物等南郭秉此一理
貫未釋羣生縛瑣尾豈不傷三界同漂泊人
靈眩都野壹趣唯溝壑魚爛旋致亾虎視猶
相搏納阱曰予知個規矜改錯勝暴當以仁
安在強與弱野曠知霜寒林幽見日薄尙聞
戰伐悲寧敢饜藜藿蠢彼蝻螳倫豈識天地
博平懷頰滄溟寂觀盡寥廓物難會終解病
幻應與藥定亂由人興森然具冲漠麟鳳在
胷中豺虎宜遠卻風來晴雪異時亨魚鳥若
親交不我遺持用慰離索

村舍偶成

繞舍唯深竹安門僅短籬居人先鳥起寒日到林遲客至常攜酒書來每附詩老夫容坦臥四海惜流離

船形嶺卽事示王星賢

烽火連諸郡絃歌尙一椽羣兒誼似雀比屋小於船宴坐冰霜窟調心虎兕邊故鄉消息斷敵騎未應前

貫舊曆丁丑臘月避兵開化除夕書懷呈葉
水口君左文

温

百年猶一瘧此語信非謾寒暑相推移天地
自貞觀齋心思太平垂老值世亂凜秋寇始
迫嚴冬苦奔竄脫身虎兕閒寄命芝蘭畔瞻
烏得久要幸遂依仁願雪霽及春歸雞鳴當
夜半微顯在一心時論猶冰炭味此治忽本
坐令安危判疲氓忍兵役練卒誇勁悍致戎
夫誰尤樹栗無往諫苞桑或可繫朋來仍衍
衍嗟予德未修何以濟終難於野驗同人見
覘識冰泮密行大化中巧曆焉能算緬想采
薇節仰止川上歎私智眞蹶涔癩憂迷浩汗

緇貅靜不譁詩書澤猶煥臂交失新故目擊
泯常斷言從君子遊將竢天下旦

古樟行

以下戊寅

西昌古縣多古樟大者十抱稱樹王自非散
木一何壽行人不睨同枯楊老夫觀樹心常
寂盡日江樓坐深碧密葉不因霜雪改孤根
幾閱人代易此邦景物唯餘樹萬事推移不
如故疲岷喘息尙相尋飛鳥啁啾無一悟卑
棲枳棘將何用解構檜巢棄梁棟長楓老柏
並甦甦攝聚林神成海眾每因撫樹念行藏

退

五月炎風似寇張使汝兒孫覆天下徧與道
路生陰涼

登快閣

峭岸奔流到此平四郊如掌一江清言前文
字元無相隕後虛空始寢兵貞觀猶存天地
大高歌何意鬼神驚鴉飛不度狼煙遠獨自
登樓望月明

來壽毅成饋龍井茶

二首

龍井已沒虜中山民月夜潛摘閒道送
上海展轉而後得之自經亂離久不嘗

此味矣

門前空佇白牛車但見羣兒式怒竈火宅移
來霜後綠掌中或恐是焦芽

舌根功德可通神一酌忘言道始親空有茶
經誇博物當筵誰與辨勞薪

贈賀昌羣

賀君精於考据以藏雲雜著見示作此

贈之

藏雲書如演繁露勝讀中華古今注探穴已
窺丘索奧倚杵更窮章亥步番書梵夾供冥

溫

搜況有流沙存漢故
鱖生墓跳不出斗
閱肆焉能收武庫
餅師搖舌題端門
撞鍾方觸波旬怒
陰慘陽舒理本然
堯癯舜瘠將誰悟
不憂龍戰變玄黃
且喜談經有賀瑒
三禮注成煨燼後
兩京賦好十年強
靈山咫尺能相見
玉海千尋不可量
世智無涯生有盡
逢君一爲起膏肓

謝鄭曉滄惠香

心地初聞解脫香
淨名無垢勝都梁
鄭家詩譜真三昧
獨抱椒蘭惜眾芳

賀昌羣王駕吾兩君見過縱談忘夕冒雨

夜歸次日奉簡

二首

瞋龍行雨入清言未解奔雷一夜喧樹下茅
容常在定羣疑何事問風幡

大麓風雷更不迷宵來秉燭復衝泥晴雲江
上仍舒卷坐聽流鶯繞樹啼

村居

未寫羣書付禮堂尙容環堵住庚桑晴天過
鳥無留影高樹聞蟬得坐忘閱世每同螢火
聚安心長在水雲鄉萬方何口銷兵革各使

遜

蒼生足稻粱

移桐廬所留殘書新至喟然有述

生逢五厄抵三災
遠媿榮期與老萊
看月每因中夜起
檢書如見故人來
明夷垂翼當文紂
西狩嗟麟訖
定哀聖哲有心憂
患在江天魚鳥漫相猜

送梅迪生赴國民參政會議

象外談玄得和予
荒年鄭圃且移居
春秋廣魯無夷夏
堯舜同天有稼漁
百國寶書知損益
六家要指貴清虛
蒼生仰首金門議
莫遣

周王攬化祛

邵潭秋寄示黃鶴樓有懷存沒諸賢之作

齒及衰隨率爾奉酬

臨江倚閣動高吟懷舊哀時獨賞音濁世觀
生同久逝虛舟遇物本無心羣鷗易狎難馴
虎野老相將更入林河叟山公俱不見漢陽
空憶伯牙琴

羈秦和四閱月以寇迫將踰嶺避地述懷

呈諸講友兼以爲別

乘雷驅電乍相侵度嶺隨流每獨吟宮燕焚

遜

巢天下計溪魚分膳老夫心初忘靜躁猶觀
化並遣成虧不鼓琴比樂師憂齊一貫行歌
長望入林深

過大庾嶺

衲僧遷客此經行今我南遊獨避兵境是無
常心是一殊方草木總關情

過韶州

我從青原來卻向曹溪路何事走千山國土
元無住樓臺火後茹民命花開露五兵何人
作一念貪瞋誤觸目是菩提奔車無緩步悲

興際窮劫癡伏泯流注仁王解般若鬼伯離
恐怖虛空如未消眾生不得度祖庭已秋草
羣迷方喜怒衣止故不傳此法將誰付

黔江道中從桂平至石龍

石怪灘高水激舷漸親炎瘴背烽煙回流百
折元歸海列嶂千重不礙天尙苦干戈爭霸
王卻疑人物負山川羣龍噴業吾憐爾投老
心情一惘然

柳江道中

山如鷹隼雲中攫船似螭蜺地上行漚鳥自

閒人自鬧黔江水濁柳江清

柳州述事

荒服稱雄鎮玄遊卽化城山皆拔地起人善

御風行

航空學校設此入境卽睹飛機翱翔空際

遺愛空祠廟

柳子

厚祠荒

新猷亟戰耕

有兵工廠農

場規制頗廣鯨鯢方內

異式遏儻西成

柳侯祠

百代文章柳與韓要憑江海助波瀾蠻荒尙
記經綸始劍刃今同衽席安蜀有文翁知教
化吳從秦伯識衣冠我來不見龍城守祠下

誰歌荔子丹

柳侯公園故有第七軍陣亡將士紀念碑

近方營抗戰紀念新塔未就

伐樹牽牲正築壇才人猛士古今難黃柑亭
下流離客雨濕旌旗未忍看

車經荔浦陽朔至桂林望沿途諸山

言象有險易地道分剛柔坎陷爲川瀆艮止
成山丘自吾行天下始見萬物稠厚坤蘊靈
奇此邦信殊尤石氣何稜稜箭疾俯湍流攢
峯仰射天壁立森戈矛爪牙或撐距喙頸相

飲

讐酬共工怒不觸羿穀疇能遊頗疑張弛過
一往不可收雖有產豹才絃急令柱憂乘器
貴身安體國在人謀尉佗昔分背崛起亦寡
儔回首望蒼梧虞舜今難求感此將誰語吾
欲追許由

初至桂林君武子愷敬生諸友爲賃屋於
城東窗檻臨江隔岸諸峯羅列若在几
案羈懷頓豁喜而作此

避地翻成助勝緣輕舟經月飽看山今來小
閣臨江住心與山雲一味閒

晴窗江岸對嵯峨千里帆檣檻下過宴坐渾
忘羈旅恨逢人更喜得天多

桂林贈馬君武

君晚年嗜樂劇非復昔時意氣矣

昔時兩年少今日成兩翁昔欲懾九夷今思
調八風默隨大化運已悟浮雲空王喬不可
招散髮歸崆峒胥敖尙征戰未釋心猶蓬驅
我曹溪來相見獨秀峯予情久遺物君顏乃
復童何術制隕齡鄭舞備姱容坐我山水窟
視君花樹中婉彼絲與竹潤此巖下松觀生
了如幻忘年亦可宗世事且勿道目送冥飛

選

飲

鴻

哀曹子起鍾鍾山自衡山來書始知子起以去臘避兵還青陽病沒於九

華山

永嘉大士曾有言一切聖賢如電拂昔聞此
語悟无生不識殷周是何物坐脫立亾胡不
有咳唾掉臂都成佛日中視影輸子先衲被
蒙頭畢萬緣示我未明末後句任人題作老
婆禪祖禰兒孫互殃及諸方公案何時圓常
啼菩薩古遺直手提心肝賣不得三災唯現
眾生心五胡亦念慈悲力或可秣糠鑄堯舜

底事析楊辨儒墨世智蹄涔誰可語涌身青
冥遂輕舉前山雨雹後山雷海上漚成劫後
灰忽然南嶽附書至一入陵陽從此逝知君
三昧正安詳令我亾言空雪涕業風吹我來
瘴鄉蛇虎同遊雀處堂欲上高峯搥毒鼓忍
看邊地苦飛蝗千年懸解逢瞿鵠一日歸眞
哭子桑月移雲駛江流轉頓了無常卽是常

革言

革言貴有孚文德宜遠柔師貞在容民干羽
來歌謳奈何棄忠信夷夏同一流聖智并思

退

况

盜力戰貪共球亂國務兼攻接壤皆寇讐
佳兵焉得已各各相爾矛秦帝魯連恥宋
亾墨翟愁操刀一以割所遇無全牛朝矜
虎豹變夕歎麋鹿遊滅國五十二大惡書
春秋矢人爾何心民命賤虺蜥艤艤蔽江
海輕若坳堂舟衝朝疾颺馳鐵騎盈山陬
飛鳶挾巨石見卵紛下投四衢絕人行白
日成九幽野烏啄殘屍狐狸上高樓長鯨
制螻螳濡需安豬豮略地豈不廣雨散將
難收舉足困蒺藜引手扼嚨喉傷哉橫目
民瞑眩未有瘳宛轉就菹

醞咨嗟仰廟謀秉旄信才傑左次誰能詵夸
父有棄杖王良竟摧輶驚風掃枯籜置國如
傳郵岐山走亶父幽館思公劉所嗟井邑弊
何以安瘡痍怒鼉雖可式我武唯鉏耰高視
齊得喪渙汗申嘉猷重玄非世諦誓誥殊俳
優存亾一語判龜筮安庸諷驅士如驅羊心
惻壑與溝眞宰胡可罪汝命寔不猶奠國有
至計不與二五侔糜軀義無悔安用空名酬
國仇諒可塞土宇亦可修我疆與我理愆責
委乾餼杼軸不自供巖穴已畢搜鑿山亟通

遜

况

道裏糧足來弊政成熟敢侮無乃闕綢繆人
言實誑汝充耳失前籌所以有虞聖惡佞誅
驩兜盜跖踞山陽於今號西歐睥睨雄鬼方
鞭撻逮諸侯蠢彼卉服種汰然傲旃裘東西
欲爭帝抱火益薪樵闔戶將自焚冥行不知
休陵暴勢有盡神器不可求俗情闇消長物
理別薰蕕眾狙逞喜怒異論徒啁啾但秉軒
皇心汜可禽蚩尤玄聖制六藝大禹分九州
子孫承血脈服此良田疇體信揚天聲吐辭
盡琳瑯羣生脫桎梏恭己垂冕旒禮樂正萬

邦庶物皆油油童穉戲俎豆峩冠去兜鍪祥
刑措不用直道人共由洗兵罷征討唯以事
春蒐斯言渺河漢子罪或山丘生滅眼底翳
成壞海中漚未來倏如雲誰與刮雙眸山徑
蹲熊羆夜樹叫鴝鷓擊蒙利禦寇闕觀亦可
羞往蹇有來碩亨困復何憂自艾其谷不賦

初至宜山與張曉峯郭洽周寓屋相望可
以時接清言喜而賦此並寄懷桂林諸
友言有友心亦大且來有言無復以言與聖原於新
卜宅南村獲起予張衡郭泰對門居邊城驅

退

士如歸壑山市逢辰尙趁墟活國訐謨矜戰
伐流人心跡混樵漁神堯姑射能相見始信
狂言有接輿

龍江漫興

晝夜知無盡虛空不可逃山枯惟見石江窄
尙容舸倦鳥愁林遠蘋魚逆浪高白頭川上
歎天下正滔滔

贈豐子愷

昔有顧愷之人稱三絕才畫癡今有豐子愷
漫畫高文驚四海但逢井汲歌耆卿所至兒

童識姓名人生真相貌不得日君自題其畫眼

前萬法空崢嶸護生畫了畫無常護生無常皆君畫集

名緣緣堂築禦兒鄉君家崇德榜其居日吳緣緣堂今燬於寇

楚名城一朝燼展轉流離來象郡誰言殺盡

始安居麗居士偈云護生須足殺殺盡此是始安居此言殺者謂斷無明也

無常非歲運亂峯為筆雲為紙點染虛空如

妙指晴陰昏日異風光萬物何心著憂喜每

憶栖霞洞裏遊僊靈魑魅話無休在桂林時與君同遊

是洞導遊者歷指洞中物象述成故事言石皆謬悠子罔謂君世間歷史或亦類此

頭何預三生業國史猶爭九世讐吾欲因之

退

欣

鏟壘嶂不見神堯天下喪書契結繩等膠漆

雞狗比鄰相譙讓琴臺漢上已成灰破壘焦

原百事哀巴蛇吞象知無厭黃鶴西飛遂不

回豪情壯思歸何處夢中勲業風前絮君在

會論書見語朝野豈如華子解操戈不信留

侯能借箸伏波山下酒初醒一別灘江入杳

冥丹穴空桐堪送老白龍青鳥惜零丁泊龍

鳥峯並若知緣起都無性始悟名言離四病

如江印月鳥飛空幻報何妨論依正畫師示

現無邊身華嚴偈云心如工畫師能出一切

相予每謂君三界唯心亦卽三界

唯畫若問畫是色法無色界作麼生畫答曰空處著筆癡與無癡共一

真騎得虎頭作龍猛會看地獄變天人顧愷

字虎頭龍樹菩薩玄奘譯名龍猛騎虎頭把

虎尾禪師家恆言亦即龍猛真智也君嘗題

其畫曰人間相其實今之人在以理想之美改不

別予嘗謂君畫師之任在在妙莊嚴相以彼易

此現實之惡故欲其畫諸天妙莊嚴相以彼易

此使大地眾生轉煩惱為菩提則君之畫境

必一變宜州景物凋弊行將去之賀君昌羣招遊

至道矣下笕河稍見林壑之美玄言終日喟然

賦此即以為別

寂處觀羣動萬境常自閑夷險憺已忘寄跡

退

在荆蠻出郭少嘉樹四野唯荒菅礫淺知魚
困石瘠知民瘼吾衰倦遊履愍此三界慳天
衢信寥廓玄路絕躋攀誅茆願已違蓬累豈
予訕人生皆旅泊敢怨行役艱朋來慰幽獨
乍可開心顏言憩青林隈下有淥水環不見
巖栖士白雲闕空關老漁罾網收疲牛飲潺
湲兒誼出樹杪細鳥鳴沙閒豁然寤生理令
我懷故山瘴鄉非佛土椎髻欺華鬢百城富
煙水一棹何時還

將去宜州留別諸講友

故國經年半草萊瘴鄉千里歷崔嵬地因有
礙成高下雲自無心任去來丈室能容師子
坐褒斜力遣五丁開苞桑若繫安危計綿蕞
應培禹稷才

宜州書懷答繆彥威兼謝惠詩贈別諸友

二十韻

旅泊同三界流離惜此辰藏身寧有地求友
可無鄰禮樂思存魯耕桑亦避秦山川留邑
聚民物異陶甄講肆雲初集蠻陬俗未馴炎
風行海嶠飛雪向峨岷賁育將何補唐虞豈

通

再淳心源雙樹寂歸夢五湖春世論猶河漢
玄言孰主賓毗耶成杜口函谷不逢人稷下
迴車遠淹中發簡新千鐙仍續燄一性自相
親宗旨門前水生涯甌上塵西江吞浩汗南
郭倚嶙峋暮噪空倉雀朝看透網鱗息機將
罷釣執指枉迷津碩果甘匏繫高文信席珍
辟雍終濟濟闕里尙恂恂蘭芷薰常在雲雷
象始屯臨崖勞致語衰白竟誰陳

郊行

共工一觸遂天傾古路西風獨客行關塞無

邊田野盡亂山寒月聽江聲

自桂經黔入蜀道中述懷

平懷憂樂覺天寬危棧盤紆識路難野老爭
言兵後恨亂山都在霧中看地經駱越人煙
少春入巴渝草色寒萬里蕭條長極目殘年
敢計一身安

巴中詠古

以下七卯

秦楚英豪盡一丘巴賓人散水長流剛風不
礙乘軒入嘉月時聞解佩遊祇爲有情憐杜
宇翻因多霧卻蚩尤江東微管知誰屬猛士

退

飲

如雲下九州

凌雲寺

偶來石火光中住
閒踏毗盧頂上行
定後佳兵春雨跡
花前古帝杜鵑聲
九峯力捍雙江合
萬木深環一塔明
不見桃花見流水
幾人樹下悟無生
飛鳥尤寺卽古離
堆方借僧寮營書
院昔聞神力戰盧
敖身入安流置石
牢不使魚龍驚
匕鬯未妨樓觀截
波濤天迴地轉成
三世鼇坼鯨奔等
一毛贖有孤峯容
宴坐長憐

江水日滔滔

渝災

行客驚心問水濱樓臺見處已迷津前歌後
舞須臾事萬戶千門一聚塵雲影暗隨青鳥
滅江聲誼似毒龍瞋三春回首三巴遠鶴唳
猿啼最惱人

謝江翊雲惠鬪茶集卽次其韻

隔林鐘磬壓兵譁險韻詩成正雨花客至每
詢江令宅僧來先喫趙州茶不因好事傳新
句爭解名山並作家留得西崑酬唱在華陽

退

今日是京華

翊雲見答再和二律仍次前韻

一謬誰能息眾譁
喜聞鬪韻比拈花
清思濯錦江邊水
醞味蒙山頂上茶
豈必東林皆入社
未妨雙井自名家
百篇斗酒知無盡
已勝揚帆採石華

不礙塔除鳥雀譁
幽居靜對一庭花
長謠莫避言驚俗
薄酒猶堪力勝茶
後舞前歌巴子國
荒村獨樹老夫家
他年詩譜存風雅
荆楚何心紀歲華

再和翊雲韻 二首

人境都忘寂與譁眼中萬事本狂花一生能
著幾量屐坐客惟消永日茶憂喜平懷二元共
域冤親覲面是同家傳聞英日協定將成春秋進退存
三世蠢彼諸夷說制華

驟雨驚雷一夜譁崇蘭猶護膽瓶花何休杜
預惟談餅羅漢觀音並點茶閩茶味特佳百今久不嘗矣
草拈來俱是藥好山到處便爲家江淹才思
知誰敵何必區區漱井華天前題

再題鬪茶集簡翊雲 二首

退

尋山載酒客毋譁開卷搜奇眼未花
二水波瀾通海氣三峩雲霧育巖茶
春蘭秋菊將同調李耳韓非并一家
獨悟四聲推沈約不勞博物問張華

魔語今同佛語譁曇花開後更無花
不逢國

手輕除劫卻喜詩翁善鬪茶
主客新圖尊杜

老江湖雕本憶陳家宋臨安陳道人起善刻書曾刻江湖小集來書

頗病嘉定甲工之劣而流傳好事舒愁抱
恰

勝峩眉睹日華峩眉絕頂寶光近人辨爲日華

述近事用茶字韵

陽春不敵郢人譁
幻眼旋開頃刻花
扶老猶須叩竹杖
論才如品武夷茶
月儀辭令能通好
張伯倫之僅約科條教看家
近衛之很溫伯無言匡鼎至
伊誰道力勝紛華

聞警夜起望月用茶字韻

夜半頻聞里巷譁
開門推案落燈花
相逢盡道依蠻窟
不寐非關嗜苦茶
拔宅計虛憐智士
御風術好誤兵家
老夫觀物心無礙
獨坐空堦望月華

感事用茶字韻

四首

退

及盈庭眾口自生譁時論如栽石上花尙恃榘
鉏供器仗更輸繒帛權鹽茶廟謀定許還三
輔豪右空聞徙萬家最是艱難齊楚並褰裳
猶自惜菁華

江外爭傳敵騎譁每逢佳節罷看花斷送一
生惟有酒消除百病可無茶鴟鵬擊水踰千
里楊柳分春作兩家莫倚朱顏能久駐誰憐
明月照鉛華

火帝雲師一味譁雹花落地似簷花重慶鄧
林他日看遺杖虜勢似海市今年罷鬻茶美

商約止宮裏尹邢猶避面英法蘇談穴中鳥鼠

本通家傳聞德意日只愁滿腹車輪轉不定

援華或攘華

席上行師且勿譁流螢靜夜度深花夜近多遠

遊競跨王喬鶴列強擴充軍備以肥遜將搜

陸羽茶敵謀破壤詛楚迎巫皆竊語國際盟

辭令作過秦箸論足名家外報評論多與辭

蒼生未必清談誤只是蹠遠已亂華

遣興用茶字韻三首

老翁無力止兒譁一任江頭捉柳花南郭情

退

欣

忘惟隱几北窗夢醒與添茶漁樵問對成何
事儒墨桁楊豈異家莫謂支離難共語勸君
黽勉愛春華

凡楚存也眾莫譁漢唐事業等空花清陰不
改惟看竹上藥難求且種茶草長鶯飛春日
夢水邊林下道人家諸方浩浩商量有未解
周行轉法華

睡厭飢蟲繞鬢講書憎禿筆慣開花欲消美
疾嗟無藥得潤枯腸幸有茶感寓詩成因和
韻買山計拙漫移家人閒萬事雲生岫莫問

南華與雜華

寄懷老友謝无量

尋劍求珠百未真
陶堯鑄舜一窗塵
十年觀樹誰名道
千里同風或有人
亂後親朋多海嶠
夢中鸞鳳尙峨岷
遙知大藥初成候
儻許遺書問谷神

次韻答无量見懷

清都恆夢化人居
八表神鸞尙滯予
怒觸山摧皆幻業
垂苾夜見是真書
詩亾周禮猶存魯
禹後南音或在歛
白象青牛俱不馭
彌天

處處得逢渠

喜香宋翁書至并得讀近作多篇次茶字

韻卽以奉簡

牀下時聞蟻鬪譁山前初植小園花待迎樂
令重揮塵未許王蒙徑設茶鶯子早承雙樹
記鳴夷終泛五湖家論詩已入如來地百梵
何曾抵一華

爾雅臺

靜樹深如海晴天碧四垂一江流浩瀚千聖
接孤危聚沫觀無始因風閱眾吹蟲魚知己

細何物有成虧

水母

沫水邊多有之兒童取置盆盞中見之感而託賦

逐浪隨波不可尋冥行憐爾是無心沙邊鷗

鷺知何限戴得雙眸入水深

荔枝樓示來學諸子

彈指門開到不疑百城煙水莫嫌遲明窗好

與安排定要使南人識荔枝

漁樵相和歌

邵堯夫有漁樵問對極論天人之理目

以漁樵明賢者在下也頗病時人見不

退

然

山僧及遠故尊漁樵不貴多聞寄之是篇設
為行歌相答之詞前語似嘲後語似諷
有近於俚然志隱而音諧庶幾滄浪之
遺響吾聞蜀多隱君子安得此漁樵之
人而與之言哉

莫向他人行處行

漁唱

撈鰕漉蜆當平生

樵

答

北山虎豹南山霧

漁唱

河水千年幾度清

樵答

我眉登軒皇臺

昔予入天台行歌思呂梁及登黃山顛浩然

揖軒皇一朝辭禹甸蕭條望八荒百粵苦奔
竄所歷皆劒鋌踰年徙巴蜀未覺道路長嘉
州倦游履遂造僊靈鄉三山信巍峩眾丘肅
低昂授籙知己遙尙想羣真翔藥苗孕巖竇
中有雲霧藏林臥招蒲公澗鳴來楚狂絕壁
見宮闕虛籟交笙簧俯瞰星宿海吞吐日月
光普賢眇何世應跡稱願王示現無邊身聳
俗竟誰匡道衰佛不聖蘭若空彷徨夜寒燒
舍利世諦嗟難量九老爾安逝但遇松杉香
山僧習呼猿得食走踰踰豪士徧六合一相

通

欣

云何臧念彼陶唐人於今棄冠裳萬木一雨
潤千載鬱以蒼幸逃匠石睨堪與斯民忘山
深不自名好事焉能詳物誼理則寂運徂胡
可常翳消眼自豁鉅嶽真豪芒羣迷羿鼓遊
昕夕雲路驤胸慄豈足計感此迴剛腸積慘
斃可排吾欲終括囊谷處雜馳徑戾天追鳥
行未應溝壑委孰使弧矢張避世匪在山井
邑何穰穰乍釋百里霧遠見江流黃蔡蒙旣
旅平無事憂蠻羌禹功奠梁益餘黎尙耕桑
善國繫人謀禋祀重明堂古帝勤望秩時議

高壺漿山祇嶻無聲行客愁未央僮僮將安
歸悠悠絕梯航棄置且勿道當暑如履霜甘
留綏嶺桃力貢織貝筐野分井鬼曜或有芝
房祥流沙覽西極叱石方成羊

九老洞卽事用茶字韻

避人常恨入山譁行愛看雲坐愛花禁足剛
逢三日雨忘言相對一甌茶騰猿得食猶爭
樹飛鳥遺音莫徙家不羨蒲公收鼎藥卻因
松子憶金華

夜警

時假寓
烏尤寺

退

江城黯淡月明中山寺蕭條夜夜風尙許林
閒成露坐不知天際有飛鴻獵人箭盡猶尋
夢梵志巖居未解空一段孤懷誰領得老漁
收釣聽秋蟲

或傳无量順化因作此詩後乃知其妄
居夷懷寶悟今非嘆鳳嗟麟百事違三界人
天俱有盡一江風月可無歸詩成倚醉乾坤
小奕罷推枰國土微玄賞不逢高韻絕空山
何意駐殘暉

見无量與敬仲書知其無恙前有人謂其

已逝者訛也喜而作此并前詩寄之其
夢覺千齡短情忘九鼎輕風波成易動日月
自貞明海國看雲臥江天逐鳥行衰年憂契
闊何以慰平生

青衣江道中

翠竹青林不改時尙餘草木對流離家山此
日多紅葉一入西風倍遠思

同舟客述峩邊馬邊諸夷事并言銅河水

險惡

涿水一名清衣江俗謂之

銅河頃年巨浸壞廬舍

至多因念天下之水孰非銅河人之未

過

離乎夷狄者孰非我邊馬邊感而作此
山民鳥處水棲苴上畏鷹鷂下畏蛇饒汝蠻
夷矜聖智千年感郭變流沙

龍蛇虎兇雜人居利爪腥涎盡毒予踊入虛
空誰可避祥麟威鳳在襟裾

寓言 三首

相逢何必問疏親歌哭鄰家跡易陳世事紛
紜誰料得異鄉偏有助哀人
呼蛇容易遣蛇難誰解將心與汝安寒暑到
來無處避出門長是草漫漫

上國冠裳棄九夷方音累譯不通辭山翁稍
解鈎輅語收拾禽言入小詩

喜无量書至并見和諸詩再訓一律

不因薄俗累剛腸滿目青山卽故鄉沙上人
行如鳥聚水中雲影與魚忘銖衣拂石看成
劫香海浮杯定可航一樹寒巖愁獨倚來鴻
星眸數蒼蒼

用前奉寄韻復成一律

飛動情知共一真仰觀霄漢等毛塵箭穿白
石疑成虎窗喚彌猴喜似人水性何緣判涇

退

渭禹功隨地導嶓岷端居料得深寧力咳唾
天生句有神
每怪今非笑昨非同坑一窟鎮相違玄言背
俗惟高臥野老忘情得醉歸海若不爭荷露
泫醯雞長守麥塵微人間萬事分明有獨對
寒江望落暉

寄懷香宋先生並約明春來山講學

隕石名灾未絕書鶴飛見處卽殷墟避兵已
負登高約載酒長懷有道居海內詩篇尊碩
果歲寒心事託雙魚定知冰雪初融候梅柳

將春擁後車

山居與客言近事

高臺臨絕壁下有萬里船舟師競邪許朝暮
衝寒煙盈日皆勞人予亦愁屢遷危邦履虎
尾窮谷逃腥涎飛鳥林際翔毛羽不復鮮雲
端見金翅心恍非鳴弦夷俗好攻戰孰分雀
與蟬但知國土貴坐令骨肉捐斯人亦鳥羣
所戴豈異天強梁一以仆金革失其堅蹠遠
交曠野何以安井田百年信須臾何事求神
僊眾情昧堯桀物理齊夔蛇墨者急世用老

氏任自然一途俱不涉宴臥秋山巔

遣懷

三年避地息心兵
暫對寒巖一日晴
留得虛空容萬象
不因閒事長無明
霜天草樹藏根密
佛國琉璃入掌平
劫後人間憂喜盡
飄風墮瓦未堪驚

書阮

鄭君誠子言遺憾
在寫書區區求傳人
何異委路隅惠施辯
者雄其書盈五車
一字不可得乃抵
蠹蟲愚吾生非我有
更何有於書收

之似留惑此惑與生俱書亾惑亦盡今乃入
無餘非關智令爾遭命事則殊妖寇往見偏
薄海無完閭載書行鳥道三歲荒山趨崎嶇
轉百粵艱苦戾蜀都昔矜禹穴秘今寶鼠壤
蔬所拾百一存未至靈骨枯居然出煨燼僅
免雜薪芻皇皇聖者言愚夫視若無抱器竟
誰語不得比荷艾自古有五阨秦胡亦安誅
何年偃佳兵匪獨盛文儒尙覬邦國活當令
巖穴蘇能仁愍弱喪示彼衣中珠剖散夏不
顧老至長嗟吁但知有社稷由也非吾徒

溫

寫懷

南嶽昔高視一語天下愕三世佛已吞眾生
何處著談宗良浩浩失旨勞穿鑿忘言但默
成玄解安可索真儒俗所棄胡爲日羈縛未
釋同倫悲豈假瞑眩藥久矣遺世諦無復戀
丘壑誰言聚人天所得惟寂漠法以從緣空
惑爲然疑作早知禹鼎鑄寧憂魯酒薄眾魔
瞋未已諸天爾奚樂塵塵入三昧雲起吾焉
託

寄題仇北崖祥雲庵

北崖得雁蕩一峯曰祥雲將卓庵隱居
書來乞題並圖其山形奇詭可喜爲作
此以貽之

謝客尋山不到家千山空自踏雲霞羅漢西
來覓山住遂傳好事驅龍蛇雁山久洩天地
蘊尙留邱壑貽樵隱祥雲五闕喜搜奇披圖
忽覺靈居近一庵卓地臨中闕坐見雙丸時
出沒南峯插海北依辰東是天根西月窟虛
空無盡出身雲普賢身是雲中君識心流注
太古瀑吞吐元氣長氤氳瀑流不住齊生滅

退

雲起無心現分別過夢來雲悟等觀彌勒深
肩彈指徹憶昔曾窺肘後方山居養性君能
詳但尋種藥孫思邈不羨還丹魏伯陽綠葵
紫蓼看盈畝相逢何必論空有湖水應憐劫
後灰轍還已類喪家狗峩眉雪冷巫峽高岷
江甌海不通潮書來且喜家山在雲外蒲團
早見招

希聲

乾坤不終毀斯文恆在茲聾俗昧希聲賤之
固其宜有生豈免阨或以昌吾詩干戈羈旅

中舍是將焉之憂端盡來際時人安得知寥
寥絃外音眇眇無言思真心寄玄默欲語難
爲辭吾言直土梗何以宣靈竒日擊道已存
遇雨也羣疑達者忽有會日暮當與期

烏尤山下有小溪曰麻濠書院借地就溪

邊構屋數椽因得甞憩以濠上草堂名

之遂以成詠

五首

卽物能忘我逢人莫問魚且須求地僻何敢
論幽居避世心猶在移山事久虛他年尋故
宅松竹是周餘

遜

石路春泥滑沙灘細草勻溪山行處有雲月
白爲鄰已悟生如幻長疑旅寡親把茆聊蓋
頂拱手謝時人

率野無安土津梁亦已勞魔宮猶震撼佛力
豈崇高劫後雙筇杖花前一縷袍尙餘開徑
望何事厭蓬蒿
無復談空有從人判醉醒但吟枯樹賦休比
子雲亭韋絕朝聞道鶉居夜見星浮生勞擬
議山鳥日過庭

世以儒爲戲吾甘俗似僧松楸知己遠伏臘

坐相仍巢隱容身可歸飛羨鳥能未憂風雨
至桑下且移鐙

凌雲寺石佛像

梵相知從不動生奔流度刃總無驚觀心但
指門前水說法時聞柳外鶯歲久風波忘起
滅江寬雲日變陰晴塵中苦愛丘陵險反掌
難期寶地平

臥佛

尙寐無叱信汝賢相逢莫許問生緣醍醐雜
毒俱名字彌勒威音孰後先三昧何須論抖

通

歡
擻涅槃今始息隨眠津梁已倦諸塵在卻見
遷流是不遷

舊曆除夕簡无量次見答韻

尺書懷袖薜蘿中野祭黃冠畢歲功一語忘
機知屢適三年學幻得心空南溟鯤徙雲垂
翼胡旦雞號雨閒風亥始天門吹律聽鹿裘
帶索會相逢

雜感 三首 以下庚辰

不住孤峯頂將尋下澤遊有生皆念亂無地
可埋憂春草忘言綠滄江盡日流殘年知物

理任運要何求

莫問西來意唯消一字禪
掌擎千世界眼爍四王天
弄影猿窺月馳心鹿趁泉
拈提俱不到靚面隔山川

每爲斯人惜常於異類行
隨流翻得妙任俗強安名山
鳥銜花亂溪魚出水驚
儵然成獨往太息此時情

夕望

野處看天迥閒行夕氣清
山椒初月上樹杪一星明
隨分堪忘老窮年未解兵
從知心境

遜

寂到眼是昇平

行野

全生幸就閒寂觀悟屯蒙目擊知道存耳順
知民聰斯人信吾與萬物將畢同胡爲異肝
膽愛惡成相攻及春猶泮奭散策欣所逢畦
蔬因地味寸穗皆天工雨暘悅草木雞犬親
兒童物情不終睽感至理自通山栖樂行野
羣卉何慙龍遂生會有時條達來心胷儒墨
豈足異狂簡亦可風我思唐虞仁再睹黎民
雍

次韻答吳孟復見贈

體物今知賦海難
向來輪扁笑齊桓
南人學道如窺牖
裸國行遊卻整冠
衰病終年憂戰伐
流離何地共團圓
移書千里勞相問
喜見高吟一字安

寒食謝諸友饋問兼答講舍諸生
海漚電拂倏無鄰
乘化觀緣得暫親
豈有風輪持世界
但憑願力向斯人
黍離麥秀終飄泊
谷響泉聲孰主賓
留取瓣香誦古佛
衰殘何意惜餘春

過

上巳日偶成用前韵
庾信哀時尙有鄰揚雄異代或相親山中薜
荔忘歸日江上煙波思遠人楚畹滋蘭疑昨
夢吳宮巢燕又新賓移花買石尋常事祇是
池塘已暮春

再和上巳日韻二首

老去方知體物親興來扶杖過西鄰年深洞
壑唯藏霧野淨桑麻卻少人擇日登遐逢魯
兀初筵飲耐數虞賓江南三月花飛盡鶉鳩
聲聲似餞春

潛魚翔鳥並交親翠竹蒼松喜接鄰身入山林忘世味心通天地屬詩人梵刹猶存三代禮明堂不見四夷賓常星夜落流沙遠別有拈花一線春

王靜伯見示新撰蜀風記兩川風俗甚詳書此答之

荆楚記歲時桂海志虞衡豈如蜀都賦閩麗侔兩京覽君問俗對增我懷古情蠻夷久猾夏麋鹿猶全生議兵失天險野祭亾民正三川要市朝八表空崢嶸匪風念周道式微知

通

變聲菑醬不可求歸卧讀山經

上詠古 用人字韵

辭賦相如宋玉鄰爭誇羽獵勝利親卻憐炙
轂雕龍手同是鸞飄鳳泊人沛上風雲思猛
士南樓遊衍罷談賓新蒲細柳年年綠何處
鶯啼舊苑春

爲朱鐸民題陳石遺送其之官蘭州詩序
昔聞都護奏今睹拾遺篇轉饜猶印笮防邊
憶酒泉新猷安石壯舊牧季高賢送別詩人
意經邦亦可傳

題章太炎文錄

漢初儒術亦既絀黃老刑名天下式賈生爲
術良已疏猶令絳灌無顏色屠沽刀筆並封
侯經世文章不見收賸有窮愁傳禮議心憐

博士等俳優

章君有喪服議抹學鮮并論並爲時人所不能言

禽詒

顧權掌上山禽集盡日啁啾鳴不息爭如海
畔弄鷗人空水相忘不相識等慈大士觀眾
生毛衣剗卻賸虛名語言三昧成何用不揀
榆枋自足情

過

病起得无量書並示南溫泉見懷詩用此

代簡謝賜序避寇集兼速枉教

登樓病肺一朝蘇海印遙通帝網珠鶯子靈

山勞記蒨蠶叢開國尙征誅青天雲在心俱

往夜雨龍吟樹半枯隔竹依松相望久乘風

御氣得來無

聞巴中頻有空警用前韻再簡无量

空中舍利雨如珠朽宅真同絕後蘇羅刹每

因三毒熾鐵圍不見四凶誅援琴漏盡山猶

舞聚指冠成骨早枯久信那伽常在定未知

丹竈竟安無

寄懷萬慧法師仰光

不隔靈光莫繫風
夢中流轉尙飄蓬
寄書金色拈花侶
可憶西湖賣醬翁
無舌人來應解語
吹毛劍在任揮空
六牙白象何時見
欲問瞿曇那一通

爲樊漱圃題樊紹述集

古者文與元氣侔
降而漸靡乃俳優
唐賢起徹軼八代
其志上欲窺殷周
魁紀公書不可求
綿絳佚文猶見收
寸縑片玉珍共球
文從

溫

字順今無傳獨許昌黎具隻眼豈若徐庾矜
雕鏤蠻夷猾夏眾庶咻經籍道熄聖所憂良
治之後能爲裘鎮也白首思冥搜抱書巖穴
從吾遊今我何爲滯嘉州空山雨濕猿狖愁
金石不止萬物流取書還爾三嘆息無令言
語增瘡疣

瞑言

八首

寐中有言曰寤寐覺而言曰寤寤者瞑
言也今天下之爲言者其爲寤耶其皆
寤耶吾不得而知之病榻寂寥感諸夷

擾攘有如罟夢遂成獨謠日以暝言非
示庶者

險阻成山海遷流有歲年明夷將入地太白
屢經天故壘唯秋雁荒林尙暮蟬誰能驅虎
豹失計養鷹鷂

奇計倡優拙餘威鐵劔銛驅民猶陷阱攘國
在飛箝后羿弓還折崑岡火正炎振矜離畔
速況乃竭魚鹽

成憲王官舊神祠景教微分茅侵地入橫海
霸圖歸邢衛邦猶活儀秦計已違樓船堪一

退

戰祇恐誤芳菲

才士能高議名王憶遠征
林邊誰氏塔車上
昔年盟誓約藍皮黯降旛
白鳥明朝歌遺俗
久覆手是長城

籌策尊孤立謳歌止半球
長筵貪袖舞徧地
夢錢流市易三河富聯盟
一語休犬羊非俊
物湮酪爾何求

墨氏矜非樂名家務去尊
并兼仍帝力仁義
總侯門偶語刑方亟羣
雄氣可吞干戈終不
戢智盡數雞豚

悔教逢蒙射猶稽涿鹿誅梟心緣暗恣蟻命
與羶俱臙絕思扛鼎形殘類續鳧鬼方良可
伺東海有時枯

聚濕三川氣驚雷六月聲峽圍奔瀨急天壓
瘴雲平夜雨誼鼃黽晨風卷旆旌榮枯俄頃
事秦楚定定空名

新漲謠

四夷不守守四郊秋風吹折三重茆鳥飛啄
屋垂羽翼將雛衝雨移檣巢武庫人人誇智
計老翁噤口如懸匏雷霆震耳走不輟比鄰

温

雞狗猶驩呶君不見昨夜江頭新漲落鰕鮓
魚鼈爭堂坳

遲无量久不至卻寄空

荒江白屋傍風雷問水看天日幾回世諦不
堪扶老說故人冑爲破愁來飄鐙細雨微茫
見竄谷幽花慘淡開鮭菜蓴羹俱夢杳干戈
無奈正相催

馬君武挽詞

初服紛蘭佩墮年獨桂叢干戈絲竹外山水
亂離中高議金門遠游車下澤同祇今悲宿

草無復怨回風
田家新車不
對國深合悲
辭

秋夜聞警

鼓角聲初動
磨麈跡滿林
無言天夢夢
不寐
夜沈沈
水國秋風早
邊岷瘡癘深
平羌江上月
獨照百年心

樵興二首

石勢天根接
林光海氣蒸
行山多猛獸
入寺
少殘僧
水盡魚爭餌
巢空鳥避矰
崎嶇邦國
計落日下高陵

望遠思芳草
避人甘鳥羣
愁心一輪月
歸路

退

萬重雲山色陰晴見猿聲
日夜聞流波終電
謝餘孽尙紛紛

遲鍾山不至寄簡

栖栖緣夢事踽踽益憂焚
惻惻望南嶽迢迢
禮白雲巴山猶可度
羌笛不堪聞應念峨眉
月清光獨爲君

寄懷无量成都

二首

凌雲山下日西斜
野寺空庭散暮鴉
卻望門前江水碧
錦城東畔似天涯

越客驚心海上槎
況聞羌笛近三巴
秋來十

日深山雨落盡檐前一樹花

爾雅喜臺有紫薇一株蓋百年物

秋初着花甚繁今蕭落盡矣

東坡題天恩

喜得无量惠詩再次前韵奉寄

驚人佳句似春雷恰勝雲中採藥回錦里幽
居因地迴詞源江水自天來喜聞密呪瞋龍
伏先得金鏡翳眼開書字藏懷應不減游車
乘興未容催

秋潦嘆

愁心醞秋霖日共江水長亂流舟楫危崩岸
龜鼈上羣黎憂慘黷昊天同決滌禹砥鯨則

選

殛羿射羿猶蕩率土浩方割亢龍仍糾攘智
殫五行汨力堙九河廣豈假呂梁術終墮余
且網鑿堅醜百谷在古義無爽湍悍生民嗟
焉得天下往病翁識氣沴坐聆哀壑響怒積
風濤生翳豁星月朗何時履安流置國平如
掌

連雨水漲不止

昨日籬東江水平草侵沙岸有魚行濕雲不
動連山暗愁聽灘聲襍雨聲

野圃

寂後觀緣漸入微江郊涼雨淡秋暉藤花穿
戶垂梳細瓜茄盈塔實鼎肥泥顰蟠蝸初并
園籬邊鬪鵲竟忘歸獨留野圃生成意未覺
人間萬事非

移菊

萬國方雲鳥深山忽綺紈似分瓊玉佩應共
藥苗餐葉大根須護風敬露正溥故園秋色
好花發與誰看

隴上吟

早聞法曲奏伊涼此日胡笳總斷腸飛鳥無

退

聲邊月冷鐵衣一夜已先霜

從軍行

雲暗關山迴風吹塞草低九州瀛海外落日
大荒西率土征求急無家遠近齊蓬蒿紛滿
眼早晚制鯨鯢

贈壽毅成

學道貴晚聞五十君始壯受和識性甘代斲
謝時匠事業寄苦茗經綸比鹽醬嗟彼生民
瘥未睹邦國讓猶得餐落英何須鏟壘嶂秉
心旣澤物在手皆鬱鬱含精飲沆瀣忘年逐

禽尚不隨萬象凋將悟如來藏

九日再答无量

二首

无量自桂湖還見答前寄諸詩並寫示

成都近作多篇書此奉訓

江瀨清秋送夕雷山窗曉霽宿雲回詩如上

藥風痺已書帶名湖桂影來客徑苔生長不

掃封泥篋滿又重開登高苦憶經時約待取

深杯細細催

赤甲移居復幾回東林談義少宗雷書籤藥

裏隨年棄雲鳥蟲沙入詠來藕孔兵車愁地

退

盡華嚴樓閣望君開
貽詩足抵茱萸佩頭白
微吟漏正催

答王敬身見贈

珥筆曾依太華邊
高吟應悟永嘉禪
羈遊今向離堆住
愁臥空聞笛賦傳
此土貞居惟竹杖
君家舊物是青氈
劔南秀句勞相問
差喜玄亭未寂然

題張德鈞藏宜黃丘居士遺著楞伽疏證

殘卷 三首

離名不秉故須名
謾道生薑樹上生
五百年

來宣勝義針錐著處仗深經
法王法令白衣傳蛛網塵封識舊編兜率親
聞玄外句祇今一塔枕松眠
江西鹽醬不曾無隻履穿雲事已殊龐老臨
行留半偈後人珍重護衣珠

答吳子馨用上巳日韵見懷

蕙帶荷衣絕少鄰豐狐文豹若爲親
鮫涎日暖還生霧馳徑蓬飛似有人
入社難逢陶靖節買山應讓郗嘉賓
行吟恰憶丹楓落花發
江南正小春

退

沈
襍喻 四首

鬼車塗豕競張弧射徧千家白澤圖後有玄
罌前赤豹登山空戒佩靈符
溝水東西各自流落花扶不上枝頭道逢海
若量堯桀豪末丘山苦未休

新羅百濟盡游魂蠶螿今誇上國尊祇爲秦
皇求藥誤悔教徐福長兒孫
鸚鵡爰居迤邐來廣川風暖識禽灾僊人鸞
馭排雲出王母終嗤漢武才

追懷君武 三首

君武之歿曾寄詩挽之近无量寫示挽

詩三絕根觸舊懷因復繼作

玉田詞讓半塘工浙有彊邨桂蕙風投老歡

棕俱盡日月牙豆粥思悲翁君晚年好詞亦以晚清詞人多

桂產也予避地至桂林君飯之於月眉山食

豆粥甚美因得見元祐黨人碑相與慨歎思

之猶四十年前探禹穴老來一夕話巴山不堪更

記塵中事湖盡朱顏意轉閑予始識君滬上

相將同上會稽至今垂四十年矣去年予入蜀君亦自桂林

來重慶一晤於酒樓意興蕭索自此遂不復

見

退

殘年易閱死生多轉緣迴黃是刹那舊友難
逢新塚滿白楊風起奈愁何米節兼

再答无量

未許全生學馬蹄每因齊物問王倪禽栖魯
闕三冬暖車到襄城七聖迷鑿後靈根亾溟
泮西來密意絕町畦相逢莫話曹溪月但乞
新詩石上題

爲張伯珩題朱石君書清高宗正陽橋疏

渠記

秘閣黃麻寫瘦金宣和朝士昔如林冬官他

日營三輔但與胡僧話水深

爾雅臺偶成

江心山閣倚巉嶢南樹冬榮北樹凋窗外清
陰惟久竹與人憂喜不同條

題傳燈錄

少室山前雪正深栖栖魯叟尙援琴縱教吸
盡西江水難覓當年斷臂心

書院饋米一斛以代一歲之膳戲成一絕

發陳博諸友一笑藉酬廬陵米價兼諗後來

發平達者一首

以下辛巳續刻

温

應計休糧莫聚糧老夫棗柏可充腸諸天送
食成孤負種得山前麥未黃
頂門空自下鍼錘香飯何勞別甌炊七日藜
羹長不糝滿山黃獨正葳蕤

答艾宇眉

敢比西河老差同鄭圃居噓天初喪我渡水
得逢渠任運楊生肘無心樂出虛尺書勞問
訊歲宴孰華子

以風留詩爲別書此答之卽以贈其行且
荆棘林中掉臂行亂離何日偃佳兵披衣弊

垢無珍御入坐聾暗有目成李杜文章非俗

好巴飲歌舞更新聲以風將往重慶歌樂山北樓明月

宣城賦曩年以風居宣城嘗輯北樓志總是西湖舊別情

答杜肖菊見懷無心樂出氣只書卷間

故人有語慰飄零比塾齊年老復丁來書拄中話

杖久耽方外趣微言空寄壁中經佳兵驅我

頭先白律句推君眼尚青長望五峯天際遠

肖菊在永康方巖涉江休問子雲亭賦前效小日暮

再答杜肖菊貽詩存問次見和茶字韻

山翁不顧市兒譁或許積齡就菊花魔事難

温

消方教戰客來無語但行茶晨鏡黃獨邀僧
飯杖繫青錢送酒家終待騎牛函谷去漫勞
叱石問金華

答林鏡平見懷

喜友瑞安林同莊與予交甚篤居杭近
跡世二十年無踰旬不相見鏡平其冢嗣也
其昔爲人真摯坦易有父風書法酷肖其父
長齋以醫術自給泊如也戊寅予避地江西
壁空鏡平亦在及予將踰嶺而西鏡平送之
贛州而別忽忽兩年今來書附詩見懷

既嘉其篤舊復喜其能詩書此答之

垂老何心作遠遊故人有子慰離愁傳家筆
勢鶩能換繫肘神方亦可求佛是醫王因病
現智如火聚願兵休書來一別滄江晚忽憶
杭州又贛州

喜无量見枉烏尤憶昔年同憩焦山海西
庵江天雲物髣髴相似而世事已非吾
一人者亦老矣猶得執手於患難之餘
焉能無感因作此詩以寓宿昔共抱蟬
蛻塵埃之志老而不改史遷爽然於屈

退

賈晦翁託慕於參同得其意者亦無閒
於古今也

四十年前兩狂客浮玉峯頭讀道書
雪埋酣臥焦處士鶴冢篆銘陶隱居
今狂古狂日相遇常追僊躋執化祛
世事如雲旋變滅老來回首江東墟
波旬驅我離堆住此日伽藍重道故
夢裏寒山夜半鐘兵前九野彌天霧
寺門不見泊吳船月下猶疑橫北固
麋鹿安知箕穎跡丹砂已負滄洲趣
豪士臨江詡射蛟不憂折鼎況焚巢
暮年詩賦各蕭瑟恣恣意思

玄作解謝早悟人天同指馬終攜詢惠入雲
霄蒼梧碧海連朝話足抵黃河一寸膠

寄題王心湛陽明學

口中銜石闕坐見劫火燒天人在何許或有
龍場苗迷悟不由他今古元同條仁者勤善
巧未欲虛空逃尺書遠見遺令我思參寥陽
明乃古佛豈與萬象凋於何證良知冥冥亦
昭昭聾俗眩名字鄭聲亂簫韶廓彼垢染心
默成意已消贊喜自吾分附詩慰飄搖所嗟
言語拙未至功德超慎勿恣流布但可示久

通

要
題思舊館圖

思舊館者明鄞縣全太常

大程

為王評

家勤

所築在鄞之東錢湖明凶浙中

諸遺老謀恢復鄞張忠烈

煌言

錢忠介

蕭樂

俱與全王交密王訪全於山中值

全不在而去中途為邏者所獲竟殉焉

全因築館以思之今其地為童氏居亦

曰童谷童次布好文追慕鄉賢遺烈屬

余樾園為之圖書來乞題為書此絕

赤堇山前斲紫芝蘆中人去鳥歸遲南冠心
事西臺恨付與兒孫作畫資

无量見枉山中留止旬日以將如青城遂

還成都別後卻寄

山栖飲露慰凋年目擊忘言在帝先姑射神
遊知損益函關氣見得坤乾還丹駐世應無
疾天眼觀身是眾緣芝草琅玕隨意長青城
道法定新傳

无量見和長篇因復成短律奉訓

塞向今知內視專真人任物自逢天江山鑿

溫

處蠶叢杏瓊玖盈裾鳥篆妍去聖時遙唯法
象華子歲晏賴詩篇及春可許重游行石鶴
初鳴瓦屋巔
歲暮寄懷浙中諸故舊

萬國兵前一雁聲千山深處背人行觀緣日
極朝霞變懷舊心同海月生語是流泉亾聖
解峯留殘雪待春晴孤遊已倦風塵黯莫問
三都與兩京

庚辰歲除遣興

一首

頭白齋心學坐忘宵殘炳燭送年光言因俗

異真俱遣行與憂違樂可常癡盡蒼生終罷
戰春來清夢似還鄉時人競逐義和馭徧地
彎弓射九陽

滄滄寒日尙臨軒雲外三山雪正繁伐竹苦
傳供美箭種桑悔不植高原村龙當路時驚
客病鵲依簷嬾負暄愁思每隨江水去似聞
巫峽有啼猿

童子李芳遠乞書爲弘一法師壽卽以代

簡敬問法師安隱一首以下辛巳

世壽迅如朝露臘高不涉春秋寶掌千年猶

温

駐趙州百歲能留

徧界何曾相隔時
寒珍重調柔深入
慈心三昧紅蓮化
盡戈矛

贈童子李芳遠

芳遠承事音公宿
根不淺以師命來
乞

書寄此勗之

佛日行茶得悟緣
沙彌有主定才賢
請看大士舒千臂
何似俱胝一指禪

簡袁心粲

碧溪經歲答書遲
每憶清波築舍時
老我流

離長念亂多君豈弟足安詩年饑橡栗猶堪
拾寇近鄉鄰未遣知頭白空山相望處一陵
風雨颯淒其

贈樊漱圃

漱圃將如江津以舊撰冰柱雪車詩注

見質卽題卷尾兼以贈其行

雲夢昔聞吞八九巧歷今成迷二二眼底全
牛終不見庭前柏樹幾人參韓門別調元和
體劍外孤吟老學庵他日歸帆穿峽去莫須
搖落恨江潭

退

江村遣病 十一首

霧重山河渺林幽日月昏
亂流知不斷拳石恐無根
鳥印空中滅天心夜半存
窮年棲隱跡壁觀近沙門

醫拙難除病僧多不會禪
諸天光似墨周道直如弦
詩到三唐盡書從六國傳
廟謀誇劔利物命等蕉堅
歲久兵猶阻春前病未蘇
疲岷飢欲散宿鳥夜頻呼
冰炭隨情異甘酸入口殊
在纏知語拙眾醉力難扶

說夢方占夢知游已罷游心生緣有取佛在
但無求吹網焉能滿尋聲卒未休空華消不
盡門外總山丘
成漚元自海噫氣強名風見有天人隔心知
晝夜同文如蟲蝕木行是鳥飛空西嶺千春
雪何年始欲融
兵氣連黃霧春星數暗螢崩崖從古赤沙草
暫是時青遇客求鴉炙因風辨塔鈴蝮蛇猶未
殄鮫鱷近南溟
水落沙逾闊山長路轉多春禽仍覲院老樹

溫

總婆娑草屋依巖闕風帆帶雨過萬方征戰
急悽惻對蒼鶩

處處徵丘甲朝朝挽日車荒城風墮瓦野樹
冷棲鴉歲始盤飧減春漑麥壠斜老農憂旱
虐徧地播焦芽

獨念誰眞宰羣生自苦輪打魚休再集撲棗
豈容曠杜甫還羈蜀陶潛欲避秦猶然歸宛
馬不得靖胡塵

失計除三害空言駕六龍明珠猶可賣尺布
不堪縫野雀銜蟬去瓜田抱蔓終長年唯杜

口萬事莫藏胃
地味偏薑桂
人心惜鎔鋤
周衰星在留
越奮士尊龜
齊物終忘我
觀生未有涯
相逢無襍語
但可話桑麻
薪卒時爭渡
商船逆上灘
不憂吳地盡
猶覺杞天寬
河伯迎簫鼓
王喬奉藥丸
幾人留少壯
安得老漁竿

簡上海諸親友

書札易經年
胡塵欲暗天
故人猶海溼
歸夢及春前
萬事憂虞畢
流波日夜遷
暫是因飛鳥

溫

過寄恨白雲邊

敬生自仰光還昆明附萬慧法師書至喜
而作此卽簡敬生兼訊慧師

片羽來雞足高軒憶桂林干戈成閒阻衰病
益愁吟喜得支公訊如聞海上琴嘉君方外
趣識我故園心

贈張真如

儒林承品藻方外愧疏迂空有終成待雲天
始象需談宗今已寂詩教失猶愚安得二三閭
醉徒憂子夏臞

春日過田家

魚上溪流淺蜂喧草樹低
荒村鳩喚雨空屋
燕爭泥竹籜新盈路
桑枝綠過堤
但悲征斂急無復勸耕犁

雨後

靈雨猶無改醒憂
得暫忘菜畦鋪地錦
麥壠度花香竹掩郊扉
靜雲分嶺樹蒼干
戈人境外六合永茫茫

題東坡樓

有患身名共無成
物我齊空持河叟
智老客

溫

夜郎西樓迴人何在
山深鳥尙啼祇今僂耳
地盡委犬羊棲

紀客語

王母貽靈藥張騫阻漢槎
屢傳青鳥使教舞
白題斜門外鶯捎蝶
窗前月映紗祇愁今日
醉不是去年花

奉詔萬慧法師

二一首

寄簡來西極談玄憶九旬
每看春水皺不覺
白頭新土伯人爲食
瞿曇露是身醍醐知已
得龍性可能馴

道以隨流妙禪因得旨忘三衣傳已渺五賊
見能昌貞觀仍天地空華幾漢唐聊憑南過
雁遙禮白豪光

簡鍾鍾山

摩詰方移榻昭文欲罷琴倦遊成禁足藥病
祇安心鹿苑將何說桃源不可尋所思湘水
遠南望獨愁吟

巴人曲

一首

菱花吹盡更新花春草萋萋日未斜園柳不
曾來翠羽郊林惟見集昏鴉

温

入海量沙自古多不妨陽里解操戈卻憐世
上腥羶食到死無能出網羅

老友沈敬仲自號無倦居士因以名其齋
屬爲題額書此貽之

金陀之後有安吳自錫佳名以倦呼歇是菩
提行是客未妨潘閬倒騎驢

擊壤謠二首

往聖制文字止戈以爲武山風撓萬物在象
斯名蠱胥敖尙蓬艾周原良膺膺胡爲棄三
正陷此戎與虜烝民艱粒食虛空成綱罟力

追夸父渴迸觸共工怒黃屋誰爲尊白骨亦
易腐長城不掾秦龜山終蔽魯道衰見俗薄
辭危識心苦六籍至今存區區竟何補
單豹巖居子猛虎食其外呂梁塘下遊出入
於懸瀨人間無畏途衽席始堪戒嗟彼風波
民攻取爲患害襍毒甘如醪徽纆持作帶本
不異淄澠何由判蘭艾強梁孰後亾豈論成
與敗入山避蛇蝎近樹防逢蠱智者慎居方
憂吝存乎介羣迷不可迴我行日已邁

謝北窗

進

南翁寄山南出谷逢北叟敷坐前致辭聊共
酌春酒萬物倏已陳吾輩當速朽人生一世
閒趣舍各諧偶胡語勝唐言少年憎老醜無
爲守古轍善巧信多有不聞養生術如牧鞭
其後感此藥石意所愧鑄塵垢數窮思括囊
強斲懼傷手不除陵氣貪寧窺天道久聖者
自爲堯惑者自爲紂惑聖吾安知默存復何
咎

花朝 五首

長夜愁無日 花朝露未晞 天魔仍虎視 赤子

盡鶉衣瘠土人多細空倉雀苦飢形殘終不

寤萬物入於機

淮南子曰西方有形殘之尸寢居直夢今歐人好攻戰豈

其苗裔邪

智爲量沙誤旨由說象乖久疑龍在野每恨

橘踰淮鼠穴偏尋夢狐丘亦自埋可憐三三戶

子終歲八關齋

白鳥時侵戶青山尙入簾祈天難雨粟煮海

不成鹽默示神巫卻著窮鄭尹占傳聞封禪

議玉帛總精嚴

草木同榮悴山川自阻深安詩惟法界觀象

道

見天心一壑吾將老羣龍戰至今浮雲終日
變薄酒不堪斟

冉冉春無住芸芸物自生花多胡地種鳥是
異鄉聲風動看雲駛江清待月明吾衰難起
廢客至莫談兵

謝諸友饋食

二首

行年知化強知非遠望高歌可當歸牧女漫
勞分乳酪雪山麻麥與時違
衰顏欲覓紫金丹炊玉今成一飯難自古三
旬猶九食寄書慎莫勸加餐

題姚矩修詩卷莫禮賦

佳客傳新句高樓對夕曛詩從元亮得山自
大峩分開卷如窺牖行歌每入雲祇應懷玉
局

卷中五言多
和陶擬陶

何敢論風斤

无量見示青城二律率和

洞天從古闢玄釋始今非乘蹻知真訣談空
未解圍十年觀樹得旬日御風歸雪嶺長相
望書來正掩扉
未得還丹術將求辟穀方山川空眇邈蘭芷
不芬芳藥物從心產遊辰與道妨餌芝吾恨

溫

拙跨鶴冀來翔

陳藹士集劔南句四絕見貽次韵奉訓

懷仁一序海波平興嗣千文力可驚綴得珠
囊遺遠岫劔南詩境喜雙清
暮景桑榆已不還平生猿鳥尙相關新詩坐
對如佳客滿日斜陽一桁山

嶺上桃花紅欲然凌雲見後句如僊天涯流
水知無盡不礙蠶蟲日過前

淒成秋氣煦成春生是形勞法是塵卻愧身
閑無一事平疇風遠看苗新

通元集
奉詔王靜伯惠詩用人字韻

卜居幸與輞川鄰得句應看子建親今我豈
能留昨我詩人強半是羈人江風不定晴兼
雨禪客相逢主勘賓寄謝海棠溪畔老一年
長負一番春

題擊壤集用人字韻
盤馬彎弓足四鄰度阡越陌更無親九州有
虎畏行路六籍成灰甘醉人吹劍恟然聞伐
國栽花偶爾當留賓暮年詩思多蕭瑟必輸與
堯夫一段春

退

筮篔引

自古衰榮無定在區區六合同塵芥繒帛牛
羊各有求豬苓雞壅恆相代朝見蒲陶入漢
宮夕聞胡騎滿山東丹砂未就朱顏改蒼鷹
一擊茅茨空貳師曾斷匈奴臂廟堂不復談
仁義周王九鼎已沈江鶉首賜秦天亦醉僊
藥終難換鮑魚中宵衡石苦量書問左無人
紅粟腐更竭銅山製強弩樓船飛馭破關來
鬪黷夜泣刑天舞寒、需裋褐飢糟糠安民易
戢危民妨田中無稻衣無桑鉏耰白挺及汝

通完集
三
匹謀臣猛士何攘攘君不見和風甘雨歸黃
耇獻雉千山走越裳

杜鵑行

華陰道士知丹訣騎羊欲上峩眉闕山下松
脂長伏苓林閒杜宇聞啼血自言身是蜀帝
魂袞衣銷盡羽毛存兒孫豈識前王度故巢
已毀鴟鴞蹲爲憐此鳥二嘆息誰令爾土生
荆棘麟鬪龍傷日月昏盈虛往復辨天根君
不見蒼梧古聖猶無返湘竹斑斑空淚痕

聽鸛

久客年年白髮生
因人問俗鳥占晴
輕雲挾雨知山態
虛閣來風識水聲
詩味都從兵後減
鄉心常伴月邊明
林花夜落催春漲
隔樹黃鸝聒日鳴

胡旋曲

橫海樓船甲仗新
鳴鐘難制毒龍瞋
舞衣爭裂齊紈素
交態翻疑魯酒醇
天半笙歌猶暗度
尊前笑語不成春
西鄰日日椎牛祭
誰解壺飧鋪餓人

歸思

鄉音多與世人違倦眼時看眾鳥飛草際風
光含曉露江邊煙靄送斜暉登高望遠天無
盡曳杖行庭力已微卻憶西泠楊柳色客遊
雖好不如歸

燕尾謠

燕尾何翦翦雉尾何翛翛因力取盡養以
臨化消烏鳶及汝喪螻螳非天驕眾醉不可
寤空山樓一瓢

黃柑行

蜀中黃柑大如斗兒童見之繞樹走秦州崖

退

蜜不可求剖取霜皮看
在手自從避難絕滋
味脫粟苦茗習已久
頗憶曩年病消渴調
藥甘酸應時有紅瓢
六月海寧瓜玉肪九
孔西湖藕祇今枯腸
不得潤更無芋栗分
園麥客養區區豈足
言澤雉智堪十步守
願移此樹無何鄉施
以諸佛之甘露沃以
太古之玄酒一色一
香盡中道何論秕糠
與塵垢但恨舌根少
功德不及腥羶可人
口

大麥行

小麥青青大麥枯
壠上老翁行負芻
問之不

通元集
三
敢道困苦有男戰死婦嫁夫國仇當赴後者
誅已聞徵發空里閭官中有令仍索租雖然
長吏多仁慈所恨亦有狼與狐去年米貴急
軍食今年雨少麥又無敢辭荷戈備征戍但
願膏澤民再蘇翁言一何悲道路側聽爲嗟
吁古來立國尙寬大中土自與夷狄殊大宛
罷歸汗血駒南海長留照夜珠天生萬物各
有性誰爲宰割誰顛愚寧飼山中白額虎莫
效今日赤鬚胡赤鬚胡爾終俘一戰破堅壘
再戰墮名都更貪百戰好豈知戰勝國已墟

通

狂心祇見蛇吞象佛法空言酪出酥胡山有
麥猶可刈胡來無麥人盡屠羝羌酷烈蝦夷
蕞天乎彼族俱何辜

有寄

忽憶山陰雪夜船鑑湖鰕菜足忘緣荒年安
用求珠玉活國誰能起聖賢繞樹烏飛星歷
歷映池魚戲葉田田白榆天上如堪種莫使
河間姹女錢

有贈

斗以明中見珠因象罔存蒲盧如可變芝草

遊定集 卷三
本無根井谷唯求鮒天高苦戴盆由來安甕
牖難與說千門

北泉禊集諸賢分韻徵詠未與斯遊輒題

短句奉寄

寥廓上無天崢嶸下無地不見火成寒尙想
泉流苾山陰事高詠哀樂豈一致取足強名
遊駕言理空寄

野興一首

小雨泫疏花晴江接亂霞草深鷹轉疾風細
燕終斜村社時驅儻兒童學種瓜婆娑看楚

退

舞鷺羽正隨車

山君行有俚水母食依蝦總爲安蓬艾因之
恃爪牙藏舟難鎖壑炊飯誤蒸沙昧昧將何
極營營亦可嗟

李光炯挽詞

二一首

投老羈栖睽舊鄉干戈衰謝兩茫茫驅車苦

恨崦嵫迫未向咸陽下洛陽

李君皖人年七十餘久羈蜀老

病思還鄉里百計求得一車將從劔閣入秦中道洛陽以趨皖病甚未及成行而歿聞者哀之余聞之朱孟實云

椎鼓鳴鐘靜不聞百年桑扈息長勤人閒尙

有思歸客目斷江東日暮雲

有鳥夜鳴聲異不辨為何鳥惡其聒而作

是詩

閒鳴何獨汝佻巧亦憎鳩鸚鵡疑鉤吻鴟梟

得夜眸違山終伐樹待日不知秋吾欲驅雞

鶩青田與鶴游

枯魚歎

山南方種豆山北更張羅黃鵠逝高風枯魚

爭度河豈不懷此都蜷局亦已多淹留竟何

益投書弔湘纍

以上訖於辛巳春二月

溫

詞芬

贍杜

言

刻

亥

於

歲

梳

芳杜詞牘

鶯啼序

陳子韶見訪與同遊湖上爲誦所製詞明

日以書來商其聲律草此答之

丁巳

乾城未消幻霧見山河自轉夢中事迷亂空
華古來多少征戰牘南國陽春易盡長憐日
月殊昏旦有詞人瘡首風前聽鶯啼遍不
礙清狂蠟屐幾兩儘浮生一晌問何事憔悴
行吟少年都誤才彥悔雕蟲相如賦麗幸未

有書成封禪愛玄言齊物逍遙漆園非謾木
青鞋布韞斗酒雙柑薄遊意自遠況復遇說
詩匡鼎顧曲周郎樂府留題國風能變新詞
授與紅牙須拍孤村流水銷魂句寫羈懷不
數衡陽雁西園別後遙知藉酒澆愁酒醒舊
恨難遣清談乍憶未斷膏肓視百年已半
又此日空勞書札敢比林宗下澤閑驅角巾
慵墊君苗已是蕭然焚筆山陽河內論交久
愧賢豪偏問嵇康鍛猶餘風畫空中是法非
眞待緣一現

温

聲聲慢

春日湖上漫興

以下俱丙寅

孤根離幻翳眼觀空頽年倦對芳朝一曲柔
波邊愁不上蘭橈家山畫圖如繡稱笙歌兵
氣能消庭院靜看疏簾燕度暗柳鶯捎
終古山河見病笑蓬萊仙藥久誤王喬雲水無
心魚龍未是天驕花源避秦人遠又東風吹
綻園桃煙樹暝倚霏微何處玉簫
水龍吟

坐雨奉懷南湖金叟用見寄和圭塘韻

小樓聽雨連宵晴湖載酒何時可竹寒侵幌
花飛落硯春風長坐野哭千家夷歌幾處胡
塵方簸賸水邊林下尋詩說夢都不管襤衫
破 老去禪心漸歇數空華幾曾邀果達磨
齒折圖南睡醒窗樵牛過隔瘧成年聚光如
墨白雲仍鎖祇簷前歷歷青山滿目一虛空
我

齊天樂

題朱曉崖畫千佛圖

紫金光湧蟠胸字眉毛更看拈地葉葉如來

暹

城東老母十指應難迴避豪端舍利有無盡
身雲無邊三昧傳與龍天畫師不是漫遊戲
蓬萊舊稱仙吏況前身老衲雙樹猶記智
月波澄禪河燄發成就閻浮一事耆年誰使
好采繪虛空掌擎妙喜百福莊嚴更逢吳道
子
青玉案 南嶽
答金香巖叟亂後見懷韻
昏鴉翅接斜陽冷又一抹虛空影雲鶴不愁
天路梗東籬殘菊荒村獨樹別是人閒境

年年風露知秋警怪山氣人多瘦門外市兒
爭賣餅楓林十里蘆花兩岸未礙浮煙艇

又

再和南湖金叟韻

玉笙吹暖啼螿冷玄句帶星河影藥貴苓通
書土梗空梁燕去爭巢鴉墮總是閑機境
僧堂日日聞魚警鐺折腳壺懸瘦一世傍鑑
求熱餅收緝高臥清波不犯祇有華亭艇

一叢花

和金香巖叟春感元韻連日大雷雨不輟

退

以下丁卯

秋陰過了又春陰惱亂薜蘿心黃蠶紫蝶頻
來去早落花芳草難尋暝色連江天風吹夢
尚有伯牙琴 焚巢歸鳥已迷林凍雨沒荒
砧阿香枉費驅龍力賸千山萬徑苔深荳蔻
鍼前形天影裏劍氣夜沈沈

醉江月

答金叟見懷

無心隱几謝耆年問訊荒江老屋藥裏書籤
蛛網覆齧草時聞新犢劫石難消天花更雨

最憶門東塾十方捶碎輪王何預榮辱更與
公不隔靈光真同音吼嚼得俱盧粟萬法本
閑人自鬧終古狐涎相續擲劒揮空開簾對
月休判淆訛錄獍龍吞了未妨鰕蜆重漉

浪淘沙

爲繆彥威題杜牧之年譜

戊寅

醉語見天真龍性難馴吳歌楚舞轉相親獨
把一麾江海去刻意傷春易盡百年身吹
夢成塵昭陵松柏久爲薪惆悵樂遊原上句
分付何人

退

南柯子

以下辛巳

佳節偏催老胡塵久罷觴敗荷殘菊減秋光
又是一番風雨過重陽
絺綌驚寒早關河
入夢長千山處處割愁腸消得幾多歲月看
滄桑

水調歌頭

九日寄故鄉親友

獨客聽巴雨三度菊花天故園何處秋好兵
火尙年年洶涌一江波浪迢遞數行征雁愁
思共無邊極北況冰雪大漠少孤煙

聞莫斯
科早雪

塵戰
方急

登臨倦笳鼓急瘴雲連明年懸記此

日萬國掃腥羶看徧籬東山色不把茱萸更
插巫峽一帆穿白髮倚庭樹歸夢滯霜前

又

戲作禪語

一念入三昧萬法本來閑離名離相何說真
照自無邊爭奈如麻似粟祇解尋聲逐響空
費草鞵錢菩薩不登地羅剎正飛天
活人
劍塗毒鼓祖師禪常情迴出向上千聖不能
傳任爾漚生漚滅都是無繩自縛不肯絕攀

退

緣吸盡一江水翻卻釣魚船

醉江月

羅君取烏尤山木斲杖見遺以此答之

霜厓林海有槎枒老樹寒柯如鐵選得靈根
勞斲與一角蒼龍拗折雨洗苔斑玉分犀理
散作梅花纈長房騎去桃枝邛竹愁絕 祇
恨衰病難扶危時同度負手逍遙別柳栗橫
擔人不顧直入千峯影滅過水深探看雲獨
倚指點青山缺下堂一句老夫眞悔饒舌

卜算子

新秋月色如水夜起獨步中庭得此 壬午

夜靜月輪高江與天俱永唯見清光浸碧山

不見星河影 荇藻砌交橫滿院松杉冷細

引天風拂玉琴莫使魚龍醒

浣溪沙

春分日書感 以下乙酉

二月輕寒尙薄裘扶衰無力強登樓寂寥經

慣轉忘憂 簾外飛花如雪亂門前春水接

天流舊鴻新燕一般愁

虞美人 四闋

退

立夏日答沈尹默見贈

杜鵑聲裏斜陽暮行盡巴山路天涯倦客惜
春殘思趁江南春水上歸船 闌風伏雨難
迴避今古情無異此情唯有故人知每向綠
陰深處記新詞
蘇玉未主秋
花開花落長如故尙借青山住年年五月聽
鳴蜩祇有少陵癡詠薦櫻桃 閑愁芳草都
無據苦憶清明句高樓擬笛倚江城一夜江
風吹送別離聲
閑愁芳草一時生見贈詞中
語

世情祇惜朱顏皺甘被陰陽寇千年瘧癘不
曾消都爲從來仙藥誤王喬羽人已渺蟲
書缺空慕丹砂訣荷花十丈藕如船下有魚
龍鼉鼉共窺天

宵來古塔聞風鐸似說旄頭落海濱日暖上
蛟涎祇是藍田種玉未生煙疏簾清簟消

長晝又值黃梅候料應有夢到西湖不待秋

風初起憶尊鱸

浣溪沙

奉詔尹默寫示近作

退

塵外軒窗九夏涼
晚來風送芰荷香
芳洲煙渚永相望
歸夢尙依青蕩笠
太平終在白雲鄉
楚歌巴舞盡迴腸

不學陰何苦用心
每思陶謝愛長吟
山川雖好廢登臨
舊國名都人似草
清詞麗句古猶今
桂叢遙阻薜蘿深

西江月

和尹默聽雨軒漫興韻

以下俱丙戌

亂後歡悰頓減
醉中醒語還多
出門已慣識風波
幾兩芒鞋踏破
白首歸來未晚
朱顏

相見微醺祗應排日飲無何對境雙忘爾我

又

過眼浮雲易散迷林倦鳥思還登山臨水總
悠然髡柳斜陽堤畔 放鶴亭邊吹笛盟鷗

船上行盤霜前雁陣乍驚寒又數昏鴉點點

又

和尹默留別韻

相見渾如昨夢醒來翻恨離多行人莫唱洞
庭波風雨重陽又過 對菊猶思共醉駐顏
應合常醲度阡越陌問如何與我周旋無我

又

再和聽雨軒後闕韻

閱世真同箭去送君方自崖還汀舟痛望已
迢然無復行吟澤畔袖得新詞似玉起看
落月如盤小樓吹笛倚天寒湖外疎星幾點
醉江月

春寒寄尹默

以下俱丁亥

幾番風雨又怱怱過了收燈時節竹外梅花
紅萼減況壓千峯殘雪魯酒如冰吳綿不暖
慘澹窮湖色懽悰驅盡夜寒添與悽惻
愁

絕衰白歸來故人猶在此際應相憶昔恨峩
眉山月小今恨江南春寂祇有凝寒伴將愁
住春也無消息暮雲撩亂倚樓還聽羌笛

玉樓春

湖上春遊

浸柳煊桃成爛漫無意尋春春已半水邊唯
見麗人行枝上暗驚啼鳥換舊巢尙有爭
泥燕幾處高樓歌舞徧年年長夢繞花遊及
至花時遊興減

卜算子

老厭市朝喧視爾猶墟墓幾日芳菲一日塵
并作漫天絮 世事馬牛風生意婆娑樹待
得歸時已暮春草長江南路

滿庭芳

身是浮雲生如流電百年能幾春晴新消殘
雪纔見柳梢青瞥眼風花歷亂剛數日春已
飄零欄干外紅英滿地高樹徧啼鶯 堪驚
人世換兵前草木別後池亭奈銖衣乍拂瘡
首如醒舊日歸心總負空惆悵倚杵天傾悲
笳動游辰易歇鐙火黯西冷

燭影搖紅

翠幄成圍樓前一水流春去曲欄小苑舊經
行處處愁風雨簾外山光欲暮蕩晴漪蘭橈
不駐壓堤煙柳幸是無情青青如故 休問
蟲沙遊仙多被洪崖誤歸花別葉盡迴腸寫
入江南賦縱有芳馨誰與立殘陽婆娑此樹
人間何世遼鶴飛來桃源無路

浣溪沙

雨橫風狂早閉門千家池館幾家存吳蠶不
比柳絲溫 哀樂猶人餘白髮湖山雖好易

黃昏落花時節更銷魂

臨江仙

憶昔烏尤濠上住夢魂長繞西湖今知蓬梗
了無殊轉因來日短不恨故人疏 填海移
山何限事依然勞燕分途舊栽榆柳兩三株
飛花空滿路落葉不堪書

